



Universitätsbibliothek Paderborn

Instructio practica ...

De Conversatione Apostolica - A Curatoribus Animarum piè & fructuosè instituenda ; Complectens varios & solidos modos juvandi & consolandi diversorum Statuum Personas afflictas, præcipuè aegras & captivas ...

Lohner, Tobias

Dilingæ, 1680

Memb. V. De SS. Nominibus Iesvs & Maria.

[urn:nbn:de:hbz:466:1-49274](https://nbn-resolving.org/urn:nbn:de:hbz:466:1-49274)

O JESU Christe, DEUS cordis mei, obsecro te per quinque vulnera tua, quæ tibi in cruce nostra inflixit, famulo tuo subveni, quem pretioso corpore redemisti.

O benignissime JESU, commendo tibi vitalem mortem meam, sicut tu Patri æterno Spiritum tuum commendasti.

O clementissime JESU, per dolores, per vulnera, per sanguinem, per mortem tuam rogo te, memorato, & miserere mei, nunc & in hora mortis meæ.

M E M B R U M IV.

De SS. Nominibus JESUS & MARIA.

I. **E**tiam hæc duo Sanctissima Nomina meritò inter præcipua media & instrumenta numerantur, quibus peccatores & moribundi animari, & contra hostes infernales defendi possunt. Certè S. Antonius, teste S. Athanasio in illius nomine dicere solebat, quòd statim, atque Christiani nominantur JESUM, maligni Spiritus fugiant. Imò Origenes ait, etiam si exilegis pronunciatur, mox tamen Spiritus suggestores fugere. Ut meritò Salomon Prov. 18. dixerit: *Turris fortis nomen Domini; ad ipsam currit justus, & iniquus.* & Propheta c. 2. pronunciavit: *Et erit: omnis, qui invocaverit nomen Domini, salvum erit.* Hinc & S. Bernardus in Cant. hortatur: *Tristatur aliquis Vestrū? Veniat nomen IESVS, & inde saliat in os, & ecce ad exortum nominis mei, nubilum omne diffugit, redit serenum.*

II. Sed & de SS. MARIE nomine idem testatus est Ioh. 3. Bibl. SS. PP. c. 5. his verbis: *Non est in ullo alio nomine post nomen superbenedicti Filii tui tam potens adiutorium, est ullum aliud datū nomē sub cælo hominibus post dulcissimum nomen IESV, ex quo tanta salus hominibus refundatur, quæ per omnia Sanctorū nomina reficit lapsos, sanat languidos, luminat cæcos, penetrat duos, recreat fessos, unguit agamæ, & jugū Diaboli extundit.* Sed & S. Bernard. teste S. Bonaventura in spec. ait: *Non sic timent hostes visibiles quasi cæcæ & innumera multitudo copiosam, sicut aërea potestates.* M. A. R. I. A.

Vocabulum, patrocinium, exemplum. Fluant, & pereunt, sicut cera à facie ignis, ubicunque inveniunt huius nominis recordationem, devotam invocationem, sollicitam imitationem. Hinc merito alibi hortatur: In periculis, in angustiis, in rebus dubiis MARIAM cogita, MARIAM invoca, non recedat ab ore, non recedat a corde.

III. Quare circa ipsam praxin & pronunciationem horum SS. Nominū tria potissimum persuadere conabitur Infirmis. 1. Ut, ubi tristitia vel tentatio in ultimo articulo molesta fuerit, eandem præcipue horum nominum pronunciatione & invocatione pellere, aut mitigare contentur. 2. Ut etiam, cum tranquillus est animus, assiduò repetant hæc SS. nomina, iungantque præcipuos virtutum Theologicarum actus, v. g. dicendo: O JESU & MARIA, amores mei, in vos credo, in vos spero, vos diligo super omnia.

O JESU & MARIA estote mecum in via.

O JESU, propter nomen sanctum tuum esto mihi JESUS, & salva me.

O MARIA propter nomen sanctum tuum, esto mihi stella maris, & ad portum salutis dirige me.

3. Præcipue hortetur, ut, ubi vires deficere adverterint, finemque vitæ imminere, hæc SS. nomina, tum pro indulgentiis lucrandis, tum pro solatio, mente saltem, si ore non possunt, proferant, ideòque prius hanc gratiam sæpe cum S. Germano Archiepiscopo Constantinopolitano petant, qui sic orabat: *Domine IESU, idem tuum IESU & tua Matris MARIE nomen sit ultimus lingua loquentis motus, ut illud sicuti oliva ramum in ere ferens avolem, & requiescam. quemadmodum columba in salutaris arca Paradisi. Illud enim etiam atque etiam redire desidero. Sic sanè hanc gratiam obtinuit P. Theodoricus Canisius, qui, sicut ultimo vitæ septennio apoplexiâ tactus, nihil aliud nisi hæc sacratissima duo nomina proferre potuit, ita etiam in morte proferre conatus est, & dum primo nomine prolato alterum dicere parat, dictâ syllabâ Ma animam efflavit.*

MEM.